

Psalmus responsorius

Ps 50, 3-4. 12-13. 17 & 19 (R̄.: Lc 15, 18)

R̄. Surgam et ibo ad patrem meum.

³ Misérére mei, Deus,
secúndum misericórdiam tuam;
et secúndum multitudinem miseratiónum tuárum
dele iniquitátem meam.

⁴ Amplius lava me ab iniquitáte mea
et a peccáto meo munda me. R̄.

¹² Cor mundum crea in me, Deus,
et spíritum firmum ínnova in viscéribus meis.

¹³ Ne proícias me a fácie tua
et spíritum sanctum tuum ne áuferas a me. R̄.

¹⁷ Dómine, lábia mea apéries,
et os meum annuntiábit laudem tuam.

¹⁹ Sacrificíum Deo spíritus contribulátus,
cor contrítum et humiliátum, Deus, non despícies. R̄.